

銀錦綵瓊瑤頗籌其數功成身退允泰有時鳥集昏巢哀鳴夜切
春秋七十有四壽終于京永嘉坊之私弟 詔贈工部尙書
夫人鉅鹿郡君索氏晉司徒靖十七代孫連鑣歸覲承雨露於九
天鴻澤滂流占京華之一媛於戲晡西萱草巨壑淪悲異畝嘉禾
傷岐碎穗 勅祔塋于月登閣北塋之禮也嗚呼日月有潛移之
運黃泉無重返之期徒哀泣血之悲遐思蒸嘗之戀 公則故
太保之貴姪也芝蘭異馥美徹 聰聞詔令承 父之任充沙州
刺史左驍衛大將軍初日桃蹊三端繼政琴臺舊曲一調新聲嫡
嗣近英承光累及筮修 貴秩忠懇益彰加授御史中丞河西剏
復猶雜蕃渾言音不同羗龍嗚末雷威懼伏訓以華風咸會馴良
軌俗一變加授左散騎常侍兼御史大夫
太保咸通八年歸 闕之日河西軍務封章陳欸惣委姪男淮深
令守藩垣靡獲同邁則秣馬三危橫行六郡屯戍塞天幟飛走計